

Broj: 01-10132/24

Datum: 14.11.2024.god.

Na osnovu člana 18. i 32.st.2. Statuta JP Ceste Federacije BiH d.o.o. Sarajevo i Odluke Uprave o potrebi zasnivanja radnog odnosa broj: 01-9886-8/24 od 06.11.2024.godine, raspisuje se:

O G L A S

za prijem radnika u radni odnos na neodređeno vrijeme u JP Ceste F BiH d.o.o. Sarajevo s probnim radom od tri mjeseca

I. Sektor za redovno i vanredno održavanje – Odjeljenje za redovno održavanje

- **Stručni saradnik za redovno održavanje cesta - 1 (jedan) izvršilac**

- Uslovi:**
- VSS (VII stepen stručne spreme, odnosno visoko obrazovanje prvog ili drugog ciklusa Bolonjskog sistema studiranja, odnosno najmanje 240 ETCS bodova),
– **fakultet tehničkog smjera**
 - Jedna (1) godina iskustva na istim ili sličnim poslovima
 - Položen stručni ispit
 - Poznavanje rada na računaru
 - Posjedovanje vozačke dozvole B kategorije
 - Sposobnost komunikacije i timskog rada

Uz posebne uslove, kandidati trebaju da ispunjavaju i opšte uslove predviđene Zakonom.

Uz prijavu na Oglas treba dostaviti:

- Kratku biografiju/životopis
- Rodni list
- Uvjerenje o državljanstvu (ne starije od 6 mjeseci)
- Ovjerenu kopiju Diplome, Dodatak Diplomi (za kandidate koji su završili studij po Bolonjskom sistemu studiranja)
- Dokaz o traženom iskustvu (uvjerenje ili potvrda poslodavca/poslodavaca o iskustvu na istim ili sličnim poslovima)
- Dokaz o položenom stručnom ispitu
- Dokaz o poznavanju rada na računaru (certifikat/potvrda izdata od pravno ovlaštenih institucija za osposobljavanje za rad na računaru)
- Ovjerenu Izjavu kao dokaz za posjedovanje vozačke dozvole B kategorije

Opis poslova radnog mjesta:

Prati zakonske i podzakonske propise i njihovu primjenu u poslovanju sektora, prati implementaciju poslova redovnog održavanja na terenu, učestvuje u pripremi dinamičkih planova radova redovnog održavanja, prati dinamiku realizacije radova redovnog održavanja, prati finansijsku realizaciju radova redovnog održavanja, ovjerava građevinske dnevnik izvođača radova redovnog održavanja, ovjerava građevinske knjige radova redovnog održavanja, ovjerava mjesečne situacije izvođača radova redovnog održavanja, učestvuje u kontroli osovinskog opterećenja na magistralnim cestama isključivo po nalogu neposrednog rukovodioca, vrši redovan godišnji pregled mostova (ograde, dilatacije, kolovoz, ivičnjaci i pješačke staze na mostovima, učestvuje u praćenju nelegalnih radnji u cestovnom i zaštitnom cestovnom pojasu, prati implementaciju svih poslova koji se realizuju u okviru redovnog održavanja, učestvuje u vođenju baze podataka, učestvuje u prikupljanju i obradi podataka o stanju na magistralnim cestama u FBiH, saraduje sa ostalim sektorima u JP Ceste F BiH koji se tiču poslova redovnog održavanja, u dogovoru sa višim stručnim saradnikom, učestvuje u pripremi kurseva edukacije i obuke za osoblje koje radi na poslovima redovnog održavanja, obavlja

i druge srodne poslove po nalogu voditelja odjeljenja i rukovodioca sektora koji obzirom na organizaciju rada, pravila i standarde struke spadaju u njegov djelokrug.

Uz posebne uslove, kandidati koji se prijavljuju za navedeno radno mjesto trebaju da ispunjavaju i opšte uslove predviđene zakonom.

Lični podaci o podnosiocima prijava su tajni i mogu se prikupljati i obrađivati samo u skladu sa Zakonom o zaštiti ličnih podataka BiH. Sve informacije o toku postupka kandidiranja su transparentne, osim ako informacije podnosioca prijava nisu povjerljive u smislu Zakona o zaštiti ličnih podataka. Svi kandidati koji budu stavljeni na listu za uži izbor, bit će pozvani na intervju.

Prijava kandidata treba da sadrži:

- Naziv radnog mjesta na koje se kandidat prijavljuje
- Adresu prebivališta/boravišta
- Kontakt telefon
- E-mail

NAPOMENA:

-Kandidati koji ostvaruju pripadnost nekoj od boračkih kategorija u skladu sa pozitivnim propisima koji uređuju prava boraca i članova njihovih porodica, prava dobitnika ratnih priznanja i odlikovanja i članova njihovih porodica, prava demobilisanih boraca i članova njihovih porodica, dodatno se boduju sa 1 (jednim) bodom. U slučaju da dva ili više kandidata imaju isti broj bodova na obavljenom intervjuu, prednost ima kandidat koji na osnovu pozitivnih propisa koji uređuju prava boraca i članova njihovih porodica, prava dobitnika ratnih priznanja i odlikovanja i članova njihovih porodica, prava demobilisanih boraca i članova njihovih porodica, ima prednost pri zapošljavanju, pod jednakim uslovima. Prednost u zapošljavanju kandidati dokazuju odgovarajućim dokumentima (potvrda, uvjerenje i sl.) koje prilažu prilikom prijave na javni oglas, pozivajući se na poseban zakon po kojem imaju prednost.

-Kandidati koji su završili fakultet van Bosne i Hercegovine, odnosno ako je Diplomom stekao u nekoj drugoj državi u obavezi je dostaviti rješenje o nostrifikaciji diplome kao i ovjerenu kopiju nostrifikovane/priznate Diplome.

-Ukoliko kandidat aplicira na više različitih radnih mjesta u JP Ceste F BiH d.o.o. Sarajevo, potrebno je da dostavi prijavu u zatvorenoj koverti sa traženom dokumentacijom za svako od tih radnih mjesta, odvojeno.

-Kao dokaz da kandidat posjeduje vozačku dozvolu treba dostaviti ovjerenu Izjavu da kandidat posjeduje vozačku dozvolu B kategorije a ako isti bude na listi na uži izbor dužan je prilikom dolaska na intervju, na uvid pokazati original vozačku dozvolu, kandidat koji bude izabran i zasnuje radni odnos dužan je dostaviti ovjerenu kopiju vozačke dozvole koja će biti uložena u personalni dosije istog.

-Kao dokaz o radnom iskustvu prihvatit će se isključivo uvjerenje (potvrda) izdata od strane poslodavca/poslodavaca kod kojih je radno iskustvo stečeno i iz koje se može nedvosmisleno utvrditi da li je kandidat nakon stjecanja tražene stručne spreme radio na istim ili sličnim poslovima koji se traže oglasom.

-Kandidati koji budu izabrani, prije zaključenja Ugovora o radu, bit će upućeni na ljekarski pregled radi utvrđivanja zdravstvenog stanja i radne sposobnosti za obavljanje poslova navedenog radnog mjesta.

-Kandidati koji uz prijavu dostavljaju i druge obrazovne ili akademske kvalifikacije (magisterij, doktorat) potrebno je dostaviti i fakultetsku diplomu kojom se dokazuje ispunjavanje općeg uslova za radno mjesto na koje se isti prijavljuje.

-Kandidati koji dostavljaju dokumentaciju na stranom jeziku mora biti prevedena od strane ovlaštenog prevodioca na jedan od službenih jezika u BiH, te zajedno sa ovjerenim prevodom dokumentacije, dostavljena uz prijavu na Oglas.

Oglas za podnošenje prijave ostaje otvoren osam (8) dana od dana posljednjeg objavljivanja u dnevnim novinama: „Večernji list“, „Dnevni Avaz“ i WEB stranice JP Ceste F BiH d.o.o. Sarajevo. Nepotpune i neblagovremene prijave neće biti uzete u razmatranje.

Prijave (svojeručno potpisane) sa svim traženim dokumentima (dokazima) u originalu ili ovjerenim kopijama treba dostaviti lično ili putem pošte sa naznakom “Prijava na Oglas – ne otvarati” i naziv radnog mjesta na koje se kandidat prijavljuje, na sljedeću adresu:

JP Ceste Federacije BiH d.o.o. Sarajevo

Terezija 54. Sarajevo

Kontakt telefon: **033/563-470**

Kandidatima koji podnesu prijavu a ne budu izabrani na gore navedeno radno mjesto, dokumenti se ne vraćaju.